

"মিষ্টি বাচ্চারা - কর্ম, অকর্ম, বিকর্মের গতিকে স্মৃতিতে রেখে এই কর্মেন্দ্রিয় দ্বারা কোনও পাপ কর্ম কোরো না, দান করলেই (বিকার দান) গ্রহণ থেকে মুক্ত হবে"

প্রশ্ন :- কিসের আধারে ব্রহ্মা বাবার অনুসরণকারী বাচ্চারা ভবিষ্যতে তত্ত্বনশীন (সিংহাসন অধিকারী) হতে পারে ?

উত্তর :- যেমন ব্রহ্মা বাবা দেহ সহ সম্পূর্ণরূপে সমর্পিত হয়েছিলেন, নিজের সবকিছু ঈশ্বরার্থে বাচ্চাদের সেবার্থে লাগিয়েছিলেন । তিনি ডাইরেক্ট ইনশিওর করে, বিশ্বের রাজত্ব প্রাপ্তি করেছেন, এমনভাবেই বাবাকে অনুসরণ কর । সুপুত্র হওয়ার সার্টিফিকেট নিতে হবে । প্রকৃত সন্তানের মতো তন-মন-ধন দিয়ে সেবা করতে হবে । সম্পূর্ণরূপে বাবার সহযোগী হয়ে উঠতে হবে । সব কিছু ইনশিওর করে ২১ জন্মের জন্য রাজত্বের অধিকারী হয়ে উঠতে পার ।

গীত :- শৈশবের দিনগুলো ভুলে যেও না

ওম শান্তি । মিষ্টি মিষ্টি বাচ্চারা গান শুনেছে । এখন বাচ্চারা বেঁচে থেকেও এই দুনিয়া থেকে মরে গিয়ে ঐ দুনিয়াতে যাওয়ার জন্য বাবার কোলে আশ্রয় নিয়েছে । কে বাবা ? পরমপিতা পরম আত্মা অর্থাৎ পরমাত্মা । সবসময় যখন বোঝাও, এমন বোলো না যে, তিনি জ্যোতির্লিঙ্গ, প্রচল্ড জ্যোতিস্বরূপ, হাজার সূর্যের থেকেও তেজোময় এমনটা বলা বাস্তবে ভুল । তবে কি বলা উচিত ? পরমপিতা পরমাত্মা অর্থাৎ পরম (শ্রেষ্ঠতম) আত্মা । তিনি পরমধাম নিবাসী । পরম অর্থাৎ উচ্চ থেকে উচ্চতম নিরাকার পিতা। তিনি সব আত্মাদের পিতা তাই তাঁকে সুপ্রিম বলা হয়ে থাকে । তিনি জন্ম - মৃত্যুর চক্রে আসেন না । তিনি বোঝান -- বাচ্চারা, আমিও যদি জন্ম -মৃত্যুর চক্রে আসি, তবে সবাইকে কে উদ্ধার করবে ? আমিই এসে সবাইকে দুঃখ থেকে মুক্তি দিই । দুঃখ হরণকারী আর সুখ প্রদানকারী যে আমিই, কিন্তু কেউ জানেনা । ভক্তি মার্গে গাইতেই থাকেও "পরমপিতা পরমাত্মা !" নিশ্চয়ই বোঝে উনিই আমাদের পিতা, কিন্তু আমাদের পিতা কেমন, কে তিনি -- এসব কিছুই জানেনা । মানুষের মতো রূপ (দেহধারী) তো তাঁর নেই । ব্রহ্মা, বিষ্ণু, শঙ্করকেও স্মরণ করে । তাঁদের তো এই চোখ দিয়ে প্রত্যক্ষ করা যায় । কিন্তু এই শিব কে ? শিবের মন্দিরেও যায়, কিন্তু কেন তাঁকে স্মরণ করে, তা জানেনা । বাবা বসে বোঝান, দেবী -দেবতারা যখন বাম মার্গে চলে যায় তখনই সোমনাথ মন্দির প্রতিষ্ঠিত হয় । শুধু এটুকুই বোঝে ইনি শিবপিতা ; কিন্তু এটা জানেনা তিনিই স্বর্গের রচয়িতা । আমাদের স্বর্গের মালিক তিনিই বানান । যদি জানত তবে অন্যদেরও শিববাবার পরিচয় দিত। জানবে না এটাই ড্রামায় নির্ধারিত । জানা অর্থাৎ বর্সার অধিকারী হওয়া, না জানা মানে বর্সা থেকে বঞ্চিত হওয়া । বাবা বলেন, আমি স্বর্গের রচয়িতা তোমাদের সুখ প্রদান করি, পবিত্র করে তুলি । তারপর ৫ বিকার আবার তোমাদের অপবিত্র করে তোলে । কলা কমতে থাকে আর তোমরাও কালো (অপবিত্র) হতে থাক । প্রথমে তোমরা ১৬ কলা সম্পূর্ণ চন্দ্রমা ছিলে পবিত্র ছিলে, এখন তোমাদের গ্রহণ লেগেছে । বাবা বলেন, দান দাও (বিকার দান) তবেই গ্রহণ থেকে মুক্তি পাবে । পাঁচ বিকারকেই গ্রহণ বলা হয় । যার দ্বারা তোমরা আত্মারা দুঃখী, কালোতে পরিনত হও । বাবা বলেন, আমি তোমাদের, অর্থাৎ ব্রাহ্মণদের পিতা হই । হে ব্রাহ্মণরা, তোমাদের কাছে যে ৫ বিকার আছে ; তা আমাকে দান করে গ্রহণ থেকে মুক্ত হও । আজ থেকে দান দিয়ে আর কখনও তাকে ফিরিয়ে নিওনা । মায়ার তুফান অনেক আসবে কিন্তু কর্মেন্দ্রিয় দ্বারা

ক্রোধ ইত্যাদি করলে পাপ হবে । কর্ম - অকর্ম - বিকর্মের গতিও তোমাদের আমি বোঝাই । তোমাদের কর্ম বিকর্ম হওয়া উচিত নয় । আমি তোমরা বাচ্চাদের বিকর্মজীত করে তুলি । এ হলো রাহুর গ্রহণ । দান করলে গ্রহণ থেকে মুক্ত হওয়া যায় । বাবা বলেন -- আমার মিষ্টি বাচ্চারা, এই ৫ ভূতকে দান কর, এতে তো টাকা পয়সার কোনও ব্যাপার নেই । ইনি তো বাবা আর তোমরা তাঁর নিজের সন্তান । বাবাকে তো তাঁর সন্তানদের সাহায্য করতেই হবে । তোমরাও তন - মন - ধন দ্বারা সেবা করছ, বাবারও কর্তব্য তোমাদের সেবা করা । বাবা বলেন -- এই সবকিছুই তোমরা বাচ্চাদের জন্য । ভক্তি মার্গে তোমরা ভগবানকে দিয়ে এসেছ , কিন্তু ঈশ্বর কী কখনো ক্ষুধার্ত থাকেন ? এখানে তোমরা ইনশিওর কর । ঈশ্বরের কাছে ইনশিওর করলে, ঈশ্বর পরবর্তী জন্মে পদ্মগুণ ফিরিয়ে দেবেন। ঈশ্বর হলেন দাতা । এখন তোমরা ইনশিওর কর ২১ জন্মের জন্য । ওরা (লৌকিক) ইনশিওর করে এক জন্মের জন্য। বলা হয়ে থাকে, পুত্রের মধ্য দিয়েই পিতাকে প্রত্যক্ষ করা যায় । দেখ, ব্রহ্মা বাবার কাছে যা কিছু ছিল, সব ঈশ্বরার্থে বাচ্চাদের সেবার কাজে লাগিয়েছেন । শিববাবাকে উত্তরাধিকারী করেছেন, তন-মন-ধন সব কিছু অর্পণ করে তার পরিবর্তে নিজের পুরুষার্থ দ্বারা বিশ্বের বাদশাহী প্রাপ্ত করেছেন, কেননা ডাইরেক্ট দান করেছেন না ! তোমরা আমার সন্তান হওয়ায় ২১ জন্মের জন্য স্বর্গের মালিক হও, কিন্তু যত সমর্পিত হতে পারবে ততই বর্ষা প্রাপ্তি করতে পারবে । দেহ সহ সবকিছু অর্পণ করে দিতে হবে । যারা মাতা - পিতাকে ফলো করবে তারাই সিংহাসনের অধিকারী হবে । সুতরাং বাবা বলছেন, দান দিয়ে গ্রহণ থেকে মুক্ত হও । দান দিয়ে আবার তা ফিরিয়ে নিলে দুর্গতি প্রাপ্তি হবে । সম্পূর্ণ পুরুষার্থ করতে হবে । পুরুষার্থী স্টুডেন্ট ভালোভাবে জ্ঞান ধারণ করলে ভালো নম্বর ও প্রাপ্ত করতে পারবে । তোমরাও পুরুষার্থ করে উচ্চ নম্বর প্রাপ্ত কর । এতে পরিশ্রমের কোনও ব্যাপার নেই শুধুমাত্র পবিত্র হতে হবে । পবিত্র থাকার জন্য বাবার থেকে শক্তিও পাওয়া যায় আর খুশির মাত্রাও বৃদ্ধি পেতে থাকে । দেবতা হতে গেলে কোনও অবগুণ থাকা চলবে না । ১৬ কলা সম্পূর্ণ, সম্পূর্ণ নির্বিকারী এখানেই হতে হবে । সুতরাং কোনও অবগুণ থাকা উচিত নয়। আধাকল্প ধরে বিকারী হয়েছে, তাই মায়াও বলে এখন এরা নির্বিকারী হয়ে উঠছে , আমি আবার বিকারগ্রস্ত করে তুলবো। এখানেই চলে মায়ার সাথে যুদ্ধ আর এটাই হলো মুশকিল । এই মায়ার উপরেই তোমাদের জয়ী হতে হবে । ওরা হিংসাত্মক লড়াই দেখিয়ে একে খন্ডন করে দিয়েছে । তোমরা মায়ার উপর বিজয়ী হয়ে বিশ্বের মালিক হয়ে হও । বাচ্চারা বুঝেছে বাবাকে ৫ বিকার দান না করলে, শ্রীনারায়ণ বা শ্রীলক্ষ্মীকে বরণ করার যোগ্য হয়ে উঠবে না । সুতরাং তোমরা বাচ্চাদের মনরূপী দর্পন দিয়ে দেখা উচিত -- আমি কর্মেন্দ্রিয় দ্বারা কোনও কোনও বিকর্ম করিনি তো ! মায়ার তুফান আরও ভয়ানক রূপে আসবে । বৈদ্য যখন ওষুধ দেয় তখন বলে প্রথমে আরও যেসব রোগ ছিল তাও বেড়িয়ে আসবে, এতে ভয় পাওয়ার কিছু নেই। এতো আসবেই । ইনি হলেন সার্জেন (ঈশ্বর) । তিনি বলেন, তোমরা যখন আমার বাচ্চা হবে তখন রাবণের সাথে তোমাদের তুমুল যুদ্ধ হবে । মায়া ভীষণভাবে আঘাত হানবে । তোমাদের কিন্তু মায়ার ঐ তুফানকে ভয় পাওয়া উচিত নয় । বাবার হয়েছে যখন এই শৈশবকে ভুলে যেওনা । এ হলো ঈশ্বরীয় শৈশব । ঈশ্বরের কোলে একবার এসেছ তারপর দেবতার কোলে ২১ বার যাবে । ঈশ্বরীয় জন্মের পর তোমরা স্বর্গে যাও । সার্টিফিকেট নিতে হবে । বাবা, আমি তোমার সুপুত্র না কুপুত্র ? বাবাই বলতে পারবেন সুপুত্র হয়ে থাকলে কত নম্বরে আছ । কি কি কমজোরি আছে ? বাবা বলতে পারবেন । নিজেও বুঝতে পারে আমি সার্ভিস(সেবা) করতে না পারলে উচ্চপদ কি করে পাব ? আচ্ছা, বাবা বলেন তুমি একটা কাজ কর, তুমি একটা হাসপাতাল অথবা কলেজ খোল । যদিও তোমাকে ওখানে যেতে হবেনা, কিন্তু অনেক মানুষ যখন

উপকার পাবে তখন তার পুরস্কার (আশীর্বাদ) তুমিই প্রাপ্ত করবে । মানুষ ধর্মশালা তৈরি করে এইজন্য যে, অনেক মানুষ এখানে বিশ্রাম করবে আর তার বিনিময়ে সে পরবর্তী জন্মে সুন্দর মহল লাভ করে থাকে । বাবার কাছে অনেকেই আসে : এসে বলে, বাবা হসপিটাল খোলো আমরা তোমাকে সাহায্য করব । বড়ো হসপিটাল খোলো । বাবা বলেন, আচ্ছা, যদি জ্ঞান ধারণ করার সময় নেই তবে, তিন পা রাখার মতো জায়গায় হসপিটাল কাম কলেজ খোল । হসপিটালের মাধ্যমে এভারহেল্ডী আর কলেজের মাধ্যমে এভারওয়েল্ডী হতে পারবে । যখন অনেক মানুষ এসে উপকার পাবে তোমাদের ও তাতে পুণ্য হবে । বেশি খরচ ও হবেনা । মানুষ আজকাল কত উপার্জন করে, কোটি টাকার সম্পত্তির মালিক । এতো সম্পত্তি কি তার পুত্র -পৌত্ররা খাবে ? বেশি দেরি নেই , সব বিনাশ হয়ে যাবে । রাজস্ব গরিবরাই লাভ করে । বাবা হলেন দীনবন্ধু । এই বাবা (ব্রহ্মা) নশ্বর ওয়ান সাধারণ ছিলেন । হাজার দুয়েক থাকলেও তাকেতো গরিবই বলা হবে । এখানে গরিব ও ভালো পদ প্রাপ্ত করতে পারে । কারও লক্ষ টাকা নিয়ে কি করবে? গরিবের প্রতিটি পাই -পয়সাতেই প্রতিষ্ঠা হয় । গাঙ্কীজিকেও কত দান দিত, তার মধ্যে কতজন মারা গেছে । কত কষ্ট সহ্য করতে হয়েছে । তোমাদের তো কোনও কষ্ট নেই । বাবা বলেন, তোমরা প্রথমে রাজযোগ শেখ তবেই তোমাদের রাজস্ব দেব । এই রাজ্য তো মৃগতৃষ্ণা সম । কাহিনীতে আছে না ! দ্রৌপদী দুর্যোধনকে প্রাসাদে নিমন্ত্রণ করেছিল । দুর্যোধন প্রাসাদে এসে স্ফটিকের মেঝে দেখে তাকে পুষ্করিণী ভেবে পোশাক খুলতে যাচ্ছিল, তখন দ্রৌপদী তাকে অন্ধের পুত্র অন্ধই বলে সম্ভাষণ করে বলেছিল এ হল মৃগতৃষ্ণা । কোনও পুষ্করিণী নয় । ওরা সবাই ভাবছে আমরা স্বরাজ্য (স্বাধীনতা) পেয়ে গেছি কিন্তু সেখানেও কত দুঃখ । প্রজারা কত দুঃখের মধ্যে আছে । মৃত্যু সামনে অপেক্ষা করছে । বাবা বলেন, এরা সব মরে পড়ে আছে । কবরস্থান হয়ে গেছে । তোমাদের পরিস্থান করে তুলতে হবে । হীরে - মোতির মহল তৈরি করবে । এখানে তো পাথরপুরী । ওখানে হবে স্বর্ণ মহল, তাই বাবা বুঝিয়ে বলেন -- বিকারকে দান কর তবেই গ্রহণ থেকে মুক্তি পাবে ; আর ১৬ কলা সম্পূর্ণ হয়ে যাবে । এখন তোমরা পতিত হয়ে আছ। মানুষ কত দুঃখী । লড়াই শুরু হলে চোখের ঘুম চলে যায় । বিশ্রামও করতে পারেনা। ঘুমের ওষুধ খেয়ে ঘুমাতে হয় । এটা হলোই রাবণের রাজ্য । এখন দশহরায় রাবণকে জ্বালায় আর শেষ পর্যন্ত রাবণকে জ্বালাতেই থাকবে, যতক্ষণ না বিনাশ হয় । বিনাশের পরে আর রাবণকে জ্বালানো হবেনা । তারপর আবার দ্বাপর থেকে রাবণ আবির্ভূত হবে জ্বালানোর জন্য । বছরের পর বছর রাবণকে জ্বালানো হয় কিন্তু রাবণ মরেইনা । প্রতি বছর তোমরা রক্ষা বন্ধন উদযাপন করো, রাখী বাঁধো তারপর অপবিত্র হয়ে যাও ।

লক্ষ্মী - নারায়ণের কাছে অফুরন্ত ধন ছিল, তাদের কত পূজা হয় । পূজা শুধু লক্ষ্মীর কী করে ? চতুর্ভুজের পূজা করে, তার মধ্যে লক্ষ্মী নারায়ণ দুজনেই এসে পড়ে । লক্ষ্মীর সাথে নারায়ণকেও অবশ্যই প্রয়োজন তাই দুজনেরই পূজা করে । জোড় ছাড়া কাজ কি করে হবে ? প্রবৃত্তি মার্গ না ! তোমরা বিশ্বের মালিক হও । বাচ্চারা জিজ্ঞাসা করে দীপাবলিতে সবাই বলে -- যদি লক্ষ্মী পূজা না করো, টাকা পয়সা তোমাদের কাছে আসবে না । বাবা উপদেশ দেন -- বাচ্চারা এতেও সাক্ষী হয়ে পার্ট বাজাও, নয়তো খিটপিট লেগে যাবে (অশান্তি শুরু হবে) । যেমন বাবা বলেন --- বাচ্চাকে বিবাহ দিতে হলেও সাক্ষী হয়ে পার্ট বাজাও, নয়তো লড়াই ঝগড়া শুরু হয়ে যাবে । বাচ্চারা নির্বিকারী থাকতে না চাইলে বাধ্য হয়ে ওদের বিবাহ দিয়ে দাও । পবিত্র থাকতে না চাইলে বিদায় দাও বিরক্ত করো না । কুমারী তারাই যারা ২১ কুলকে উদ্ধার করে । তোমরা সবাই ব্রহ্মাকুমারী । তোমাদের উদ্দেশ্যই হলো সবাইকে স্বর্গের মালিক বানানো ।

সত্যতার সাথে নিজেকে জিজ্ঞাসা কর -আমি কতজনকে নিজের সমান বানিয়েছি ? মিশন তাইনা ! এখানে তোমরা মানুষকে দেবতা করে তুলছ সুতরাং অনেক পরিশ্রম করতে হবে । তোমরা হলে ঈশ্বরের সহযোগী । আমি তোমাদের দুঃখ থেকে মুক্তি দিয়ে স্বর্গের মালিক করে তুলি । আমি হলাম নিষ্কাম । তোমাদের রাজত্ব দিয়ে আমি বাণপ্রস্থে চলে যাই। আমার রাজত্ব করার কোনও ইচ্ছে হয়না । তোমাদের রাজ্য দিয়ে থাকি । তোমরা পুনরায় নিজের রাজ্য -ভাগ্য অধিগ্রহণ করছ । তোমরা জান আমরাই দেবী -দেবতা ছিলাম, ৮৪ জন্ম সম্পূর্ণ করে আজ আমরা রাবণ সম্প্রদায় ভুক্ত হয়ে গেছি । রাবণকে জ্বালানো হয়, তাকে কখনওই পূজা করা হয় না । যিনি সুখ প্রদান করেন তাঁকেই পূজা করা হয় । রাবণের চিত্র বানিয়ে জ্বালিয়ে দেওয়া হয় । রাবণ তো দুঃখই দিয়ে এসেছে । দুঃখ দেয় যে তার মহিমা কি করে করবে ? শিববাবা হলেন সুখদাতা । ওঁনাকে রোজ ফুল অর্পণ করে আসে কিন্তু ওঁনার অ্যাকুপেশন কিছুই জানেনা । এখন তো অনেক অন্ধশ্রদ্ধা বৃদ্ধি পেয়েছে।

বাবা বলেন, যাঁর কাছ থেকে তোমরা স্বর্গের সুখ লাভ কর, এমন বাবাকে ভুলে যেও না, নয়তো স্বর্গ সুখ থেকে বঞ্চিত হবে । মাঝা - বাবা বলেছ যখন স্বর্গে তো যাবে কিন্তু গিয়ে তবে দাস-দাসী হবে । গানের অর্থও বাচ্চারা বুঝেছে । ঈশ্বরের সন্তান হয়ে শৈশবের দিনগুলো ভুলে যেওনা । আসুরি সন্তান থেকে পরিবর্তন হয়ে তোমরা ঈশ্বরীয় সন্তান হয়েছ, তারপর দৈবী সন্তান হবে । এ হলো ঈশ্বরীয় জন্ম । এই সময় তোমরা হলে সেবাবাহী, রুহানী সোশ্যাল ওয়ার্কার । আচ্ছা!

মিষ্টি মিষ্টি হারানিধি বাচ্চাদের প্রতি মাতা-পিতা, বাপদাদার স্নেহপূর্ণ স্মরণ ভালবাসা আর গুডমর্নিং । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) ঈশ্বরীয় জন্ম গ্রহণ করে, কোনও অকর্তব্য করা উচিত নয় । সুপুত্র হওয়া উচিত । অবগুণকে শেষ করে দৈবীগুণ ধারণ করতে হবে ।

২) ঈশ্বরের সহযোগী (খুদাই খিদমৎগার) হয়ে রুহানী সেবা দ্বারা সবাইকে নিজের সমান করে তুলতে হবে । তিন পা রাখার মতো জায়গায় হাসপিটাল বা কলেজ খুলতে হবে । তন -মন - ধন দ্বারা সম্পূর্ণ সহযোগী হতে হবে ।

বরদান : - পুরানো হিসেব - নিকেশকে সমাপ্ত করে সম্পূর্ণতার সমারোহ পালনকারী বন্ধনমুক্ত ভব

এই পরদেশে যখন সবাই বন্ধন-যুক্ত আত্মা হয়ে যায়, তখন বাবা এসে প্রকৃত স্বরূপ আর স্বদেশের স্মৃতি দিয়ে বন্ধন থেকে মুক্ত করে, স্বদেশে নিয়ে গিয়ে, স্বরাজ্য অধিকারী করে তোলেন । সুতরাং স্বদেশে (নিজের দেশ) ফিরে যাওয়ার জন্য সমস্ত হিসেব - নিকেশ সমাপ্তির সমারোহ উদযাপন কর। যখন এই সমারোহ পালন করবে তখন অগ্নিমে গিয়ে সম্পূর্ণতার সমারোহ উদযাপন করতে পারবে । দীর্ঘ সময়ের বন্ধন - মুক্তরাই দীর্ঘ সময়ের জন্য জীবন-মুক্তির পদকে প্রাপ্ত করতে সক্ষম হয় ।

স্লোগান : - নিজের উৎসাহ উদ্দীপনার সহযোগ আর মধুর বাক্য দ্বারা দুর্বলকে শক্তিশালী করে
তোলাই হলো শুভচিন্তক হওয়া ।